



NISSEDAL KOMMUNE



# INFORMASJON OM KOMMUNALT VATN PÅ KYRKJEBYGDHEIA

Da kan Nissedal kommune og Kyrkjebygdheia AS informere om at frå 17.12.2019 vil kommunen overta levering av vatn på Kyrkjebygdheia. Ja, ein skulle gjerne ha kommet med informasjon tidligare, men det har dessverre ikkje vert mogleg da det har vært eit enormt dominospill for å få dette til – ein forseinking skapar forseinking eit anna sted og siste brikke falt på plass 16.12.2019. Skal vi klare å levere vatn til jul, må vi bare hive oss rundt NÅ !

## **SÅ KVA SKJER NÅ ?**

17.12.2019 setter vi i gang med dei siste små tilpassingane som må til for å kunne få det kommunale vatnet ut på eksisterande nett på heia. Det vil sjølv sagt ta tid før alt vatnet er byttet ut i heile nettet, og bytte av vasskjelde vil nok gi både driftspersonell og abonnentar litt utfordringar i oppstarten. Dette kan di lese meir om lengre ned i informasjonsskrivet.

Sjølv om vi nå har fått 3 store prosjekt i hamn, og truleg satt norgesrekord i trykk på ledningsnett for drikkevann med 60 bar ut frå den nye trykkaukaren ned ved innkjøringa til Kyrkjebygdheia – Tingsto. Så er det ennå eit prosjekt som ikkje er heilt i hamn, og det er dei 2,5 mila med vassledning frå Treungen til den nye trykkaukaren på Tingsto. Også dette er eit stort prosjekt og ein kan vel trygt si at Nisser kan vere eit utfordrande vatn å jobbe på og i. Telemark Seaworx som har denne kontrakten har vel konkludert med at YR og Nisser ikkje samarbeider særleg godt .... Så frem til ein gang i januar så vil dykk få vatn frå det kommunale vassverket i Nissedal og ikkje frå vassverket i Treungen. Det vil si at dykk får eit vatn som ikkje har fargefjerning og vil kunne opplevast som noe farga. Vatnet er desinfisert og har svært god kvalitet med tanke på bakteriar.

## **KVA FOR UTFORDRINGAR KAN OPPSTÅ NÅR EIN SKAL BYTTE VASSKJELDE ?**

I alt ledningsnett vil det til ein kvar tid være det ein kallar for biofilm.

*Biofilm er definert som eit strukturert samfunn av bakteriar som er festa til ei overflate og til kvarandre. Bakteriane er innkapsla i eit form for slim. Dette slimet gir bakteriane ein økt overlevingsmoglegheit.*

Desse bakteriane er IKKJE farlege – og er det ein ser som kimtal når ein analyserer på drikkevassprøver. Den bakteriefloraen og biofilmen som finnes i ledningsnettet er tilpassa det vatnet som er i ledningsnettet i dag, så kva kan da skje når ein endrar vasskjelde ?

Kjemien i det nye vatnet er ikkje lik den gamle og ein del av bakteriane vil ikkje klare å overleve i det nye vatnet. Når desse dør vil også biofilmen løsne frå røyra og følge med vatnet som renn i ledningane, dette kan opplevast som grums og økt farge i vatnet for abonnentane.

I tillegg til at ein får utfordringar ved bytte av sjølve vasskjelda så skal ein også snu vassretninga på ledningsnettet som gjer sjansen for at ein får utfelling ennå større.

Det er i forkant av at ein skal bytte vasskjelde spyla alle vassledningar og tankar i det eksisterande nettet på kyrkjebygdheia for å prøve å få så lite utfelling som mogleg. Og ein vil spyle alle vasstankane på nytt når ny vasskjelde er teken i bruk.

### **NOKON GODE RÅD DERSOM EIN OPPLEVER GRUMSETE ELLER BRUNT VATN;**

- Opne ei vasskran med kaldt vatn og la vatnet renne til det er klart.
- Bruk helst vasskrana som er nærmast vassinntaket til bustaden/hytta og skru av evt. sil på tuppen av krana.
- Du bør ikkje trekke ned i toalettet så lenge du har brunt vatn i springen. Du kan nytte toalettet men skyll da ned med vatn frå bøtter.
- Unngå å tappe vatn frå varmtvasstanken for å hindre grums i denne.
- Utsett lys klesvask til vatnet er klart igjen. Om du er uheldig og får brunfarge på klesvasken, anbefaler vi at du held klesvaska våt til du får vasket den i reint og klart vatn. Tørkar klærne så kan dei bli missfarga.

### **VAKTORDNING OG DRIFT**

Sjølv om kommunen har overtatt ansvaret for levering av vatn vil det vere KYRKJEBYGDHEIA AS som fortsatt har vakt og vil stå for den daglege drifta fram til sommaren 2020. Så om det oppstår problem så skal dykk fortsatt ringe **vakttelefonen til Kyrkjebygdheia AS – 469 42 805**. Om det er naudsynt at kommunen også involverast, har vi avtale om at Kyrkjebygdheia AS tar kontakt med kommunen si VA-vakt. Vi vil gi abonnentane beskjed den dagen kommunen også overtek drift og vaktansvaret på Kyrkjebygdheia.

Om det skulle være spørsmål rundt dette med vassforsyning så kan dykk kontakte;

- Nissedal kommune ved Einingsleiar for teknisk drift  
Kristin Kyrkjerud Vaa – 905 39 498
- Kyrkjebygdheia AS  
Halvor Grimstveit – 908 87 100

### **FAKTURERING AV TILKOPLINGSGEBYR FOR VATN:**

Kommunen vil i løpet av første halvdel av januar sende ut faktura på tilkoplingsgebyr på vatn.

Så ein siste ting før vi alle kan senke skuldrene og la julefreden senke seg;

Vi ønsker hjelp til å få opp vassforbruket slik at ein får utskifting av vatn på ledningsnettet nå i starten. Så sett gjerne på ei utekran eller la vatnet renne i vasken nå i starten om du har mogeligheit. Eller dersom du merkar at du får problem med brunt eller gurmsete vatn.

**MED DETTE ØNSKER VI DYKK ALLE EI STRÅLANDE JULEFEIRING OG EIT RIKTIG GODT NYTT ÅR !!**



Med helsing

Alle oss i eining for Teknisk drift i Nissedal kommune og Kyrkjebygdheia AS